

12-В/ 43 -сонли ШАРТНОМА  
бланкаларни тайёрлаш учун

Тошкент ш.

2022 йил 21.01.

Ўзбекистон Республикаси Марказий банкнинг “DAVLAT BELGISI” Давлат унитар корхонаси бундан буён “Бажарувчи” деб аталган ҳолда, Уставига асосланиб фаолият юритувчи Бош директори Б.Д.Джумаев, бир томон бўлиб ва Ўзбекистон Республикаси Вазирлар Маҳкамаси хузуридаги Олий аттестация комиссияси номидан

Б.Д.Джумаев  
(лавозими ф.и.ш)

келгусида “Буюртмачи” деб аталган ҳолда, корхона Низомига мувофиқ иш юритувчи иккинчи томон бўлиб, (кейинги ўринларда “Тарафлар” деб аталади) ушбу шартномани 2022 йил 6 январдаги 01-13/005-рақамли буюртма хати асосида қуйидагилар ҳақида туздилар:

### I. Шартнома предмети

1.1. “Бажарувчи” “Буюртмачи”нинг буюртмасига мувофиқ қуйидаги маҳсулотларни ўз вақтида ва сифатли ҳолда тайёрлаб беради, “Буюртмачи” эса маҳсулотларни қабул қилиб, мазкур шартноманинг шартларига мувофиқ ҳақини тўлайди:

№	Маҳсулот номи	Ўлчов бирлиги	Маҳсулот адади	1 бирлик маҳсулот учун ҚҚС сиз (сўм, тийин)	1 бирлик маҳсулот учун ҚҚС билан (сўм, тийин)	Жами ҚҚС сиз (сўм, тийин)	Жами ҚҚС билан (сўм, тийин)
1.	Фалсафа доктори диплом ички вараги бланкалари (PhD)	дона	250	90 729-00	104 338-35	22 682 250-00	26 084 587-50
2.	Профессор аттестати ички вараги бланкалари	дона	150	90 729-00	104 338-35	13 609 350-00	15 650 752-50
3.	Фалсафа доктори диплом муқоваси	дона	300	81 620-00	93 863-00	24 486 000-00	28 158 900-00
4.	Профессор аттестати диплом муқоваси	дона	150	81 620-00	93 863-00	12 243 000-00	14 079 450-00
<b>Жами:</b>							<b>83 973 690-00</b>

### II. Шартноманинг умумий суммаси ва тўлов тартиби

2.1. Шартноманинг умумий суммаси ҚҚС билан: **83 973 690-00** (саксон уч миллион тўққиз юз етмиш уч минг олти юз тўқсон) сўм 00 тийинни ташкил қилади.

2.2. “Буюртмачи” Ўзбекистон Республикаси Президентининг 2007 йил 28 февралдаги ПҚ-594-сонли ҳамда 2007 йил 12 декабрдаги ПҚ-744-сонли ва Ўзбекистон Республикаси Вазирлар Маҳкамасининг 2021 йил 16 мартдаги 139-сонли Қарорлари талабларига асосан тайёрланадиган маҳсулот қийматининг–30 фоизини шартнома икки томонлама имзолангандан сўнг ва Ўзбекистон Республикаси Молия вазирлиги газначилигидан рўйхатидан ўтгандан сўнг “Бажарувчи” томонидан тақдим этилган ҳисобга асосан 15 кун мобайнида олдиндан ҳақ тўлайди.

2.3. Маҳсулот тайёрлаб берилгандан сўнг “Буюртмачи” “Бажарувчи”га мазкур шартнома суммасининг қолган 70 фоизини “Бажарувчи” томонидан берилган ҳисоб-фактурага асосан 10 кун ичида тўлайди.

2.4. Тайёрланиладиган маҳсулотнинг нархи, катъий белгиланган ҳисобланмайди ва уни тайёрлаш пайтидаги нархни белгилувчи кўрсаткичлар (ойлик иш ҳақи, асосий материаллар ва энергия ресурслар) нархи ўзгарганда, “Бажарувчи” маҳсулот бирлигининг нарҳини ўзгартириш ҳуқуқига эгадир. Маҳсулот нархи ўзгарган тақдирда “Бажарувчи” асосий шартномага янги нарх киритилган қўшимча келишув ва нарх келишув баённомаси тақдим этади.

### III. Маҳсулотларни тайёрлаб бериш муддати, тартиби ва қабул қилиш шартлари

3.1. Мазкур шартноманинг 2.2-бандига кўра олдиндан тўланадиган сумманинг 30-фоизи тўлангандан сўнг “Бажарувчи” ушбу шартномада белгиланган маҳсулотларни 3.2. Бандида кўрсатилган амалиёт тўлиқ бажарилганидан сўнг 50-кун мобайнида тайёрлаб бериш мажбуриятини олади.

3.2. Тўлов амалга оширилишидан олдин маҳсулотнинг асл нусхаси “Буюртмачи” томонидан “Бажарувчи”га тақдим этилади ва шу асл нусхага мувофиқ “Бажарувчи” “намуна” тайёрлаб “Буюртмачи”га беради “Буюртмачи” эса ушбу “намуна”ни тасдиқлаб “Бажарувчи”га қайтаради.

3.3. “Бажарувчи” буюртма тайёр бўлганлиги ҳақида “Буюртмачи”га телефон орқали ёки хат ёзиб маълум қилади. “Буюртмачи” маҳсулот тайёр бўлганлиги ҳақидаги маълумотни олгандан кейин 10 кун ичида маҳсулотни олиб чиқиб кетиши шарт.

3.4. Тайёр маҳсулотлар олиб чиқиб кетиш “Буюртмачи”нинг ваколатли шахслари орқали, унга берилган ишончнома ва паспорт тақдим этилган тақдирда амалга оширилади.

3.5. Эҳтиёж тузилганида кафолат хатлари орқали маҳсулотлар берилиши мумкин. Бунда қарз бўлган сумма бўйича таққослаш далолатномаси тузилиши лозим.

3.6. “Буюртмачи”нинг вакили маҳсулотларни мазкур шартномада назарда тутилган муддатда ва тартибда “Бажарувчи”нинг вакили иштирокда кўриб, қабул қилиб олиши шарт.

3.7. Маҳсулотларни қабул қилиб олиш жараёнида камчиликлар аниқланса, “Буюртмачи”нинг вакили бу тўғрисида “Бажарувчи”нинг вакилига дарҳол маълум қилиши шарт. Маҳсулотларни қабул қилиш жараёнида аниқлаш имконияти бўлмаган (яширин) камчиликлар аниқланганда, тарафлар мазкур шартноманинг 5.1-банди ва қонунчиликда белгиланган қоидаларни қўллайдилар.

3.8. “Буюртмачи”нинг тайёр маҳсулотнинг сонига бўлган эътирозлари “Бажарувчи” томонидан маҳсулот топширилганидан сўнг инобатга олинмайди.

### IV. Маҳсулот сифати

4.1. Маҳсулотнинг сифати тасдиқланган асл нусхага ва таснифда кўрсатилган техникавий шартларга мувофиқ келиши керак.

### V. Эътирозлар

5.1. Маҳсулотнинг белгиланган талабларга жавоб бера олмаслиги нуқсон далолатномаси билан тасдиқланган бўлиши шарт. Нуқсон далолатномасида аниқланган камчиликлар аниқ баён этилиши керак. Мутахассисларнинг хулосаси илова қилиниши мумкин.

5.2. Нуқсон далолатномасини имзолашга “Бажарувчи”нинг вакили тақлиф этилади. Агар тақлиф этилган вакил тақлифномани олган кундан бошлаб 3 (уч) кун мобайнида етиб келмаса унда нуқсон далолатномаси “Буюртмачи”нинг вакили томонидан имзоланади.

5.3. Нуқсон далолатномаси икки нусхада тайёрланади ва унинг бир нусхаси “Бажарувчи”га юборилади.

5.4. “Бажарувчи” 3 (уч) кун муддат ичида нуқсон далолатномасида баён этилган маҳсулот сифатининг номувофиқлиги моҳияти юзасидан ёзма равишда жавоб бериши керак.

5.5. “Буюртмачи”нинг маҳсулот сифатига бўлган эътирози “Бажарувчи” томонидан инобатга олинган тақдирда “Бажарувчи” камчиликларни оқилона муддатда бартараф этади ёки маҳсулот нарҳини мутаносиб равишда камайтиради.

## VI. Тарафларнинг мажбурияти

6.1. Тарафлар шартнома бўйича ўз мажбуриятларини бажараётганда Ўзбекистон Республикасининг коррупцияга қарши курашиш тўғрисидаги қонун ҳужжатларининг талабларига зид келадиган ҳар қандай ҳаракатларни амалга оширмайдилар, шу жумладан, пора беришни тақдир қилмайди, ваъда бермайди, товламачилик қилмайди, пора сифатида пул тўламайди, бевосита ёки билвосита пора олишга розилик бермайди.

6.2. Ўзбекистон Республикаси Марказий банкнинг "DAVLAT BELGISI" ДУК ходими ўз хизмат мажбуриятларидан фойдаланган ҳолда пора берган шахснинг манфаатларини қўзлаб муайян ҳаракатларни содир этиши ёки содир этмаслиги шартлиги ёки мумкинлиги учун моддий қимматликларни ёки мулкий наф олмайди. Тарафлар ушбу ҳаракатларга йўл қўймадлиқ бўйича чоралар кўрилиши кафолат беради.

## VII. Тарафларнинг жавобгарлиги

7.1. Агар тайёрлаб берилган маҳсулот сифати, ассортиментни бўйича техник шартлар, намуналарга, шартномада келтирилган шартларга мос келмаса, "Буюртмачи" маҳсулотни қабул қилиш ҳамда уларнинг ҳақини тўлашни рад этиб, тайёрлаб берувчидан сифати, ассортиментни лозим даражада бўлмаган маҳсулот қийматининг 5 фоизи миқдорида жарима ундириб олишга, агар маҳсулот ҳақи тўлаб қўйилган бўлса, тўланган суммани белгиланган тартибда қайтаришни талаб қилишга ҳақлидир.

7.2. Агар "Буюртмачи" буюртмани "Бажарувчи"га топширганидан кейин уни давом эттиришни хоҳламаса, у ҳолда олдиндан тўланган ҳақнинг маълум қисми яъни, "Бажарувчи" бажарган ишлар қийматининг тўлаш ва у қўрган зарарни қоплаш учун ушлаб қолинади.

7.3. «Буюртмачи» тайёр маҳсулотни кўрсатилган муддатда олиб кетмаса, ўтказиб юборилган кунга «Бажарувчи»га омборда сақланганликдан келиб чиққан зарар учун маҳсулот қийматининг 5 (беш) фоизи миқдорида жарима тўлайди.

7.4. Ўтказиб берилган маҳсулот ҳақини ўз вақтида тўламаганлик учун "Буюртмачи", "Бажарувчи"га ўтказиб юборилган ҳар бир календарь куни учун кечиктирилган тўлов суммасининг 0.4 фоизи миқдорида, аммо кечиктирилган тўлов суммасининг 50 фоизидан ортиқ бўлмаган миқдорида пеня тўлайди.

7.5. Бошқа ҳолатларда тарафлар ("Буюртмачи", "Бажарувчи") мажбуриятларини лозим даражада ёки умуман бажармаганда Ўзбекистон Республикаси Фуқаролик Кодексининг тегишли нормалари, "Хужалик юритувчи субъектлар фаолиятининг шартномавий-ҳуқуқий базаси тўғрисида"ги Қонуни ҳамда амалдаги қонунчилик асосида жавобгардирлар.

## VIII. Форс-мажор

8.1. Томонлар хоҳиш иродасидан ташқари юзага келадиган олдиндан билиб бўлмайдиган ва олдини олиш имконияти бўлмаган форс-мажор (сув тошқини, ёнғин, ер қимирлаши ва бошқа табиий офатлар ва х.к.) ҳолатларда томонлар мажбуриятларини бажармаганликлари учун бир-бирлари олдида жавобгар бўлмайди. Тегишли идоралар томонидан берилган маълумотнома ушбу ҳолатларни мавжудлигини ишончли исботи ҳисобланади.

8.2. Шартноманинг 8.1 бандида назарда тутилган ҳолатлар юзага келган тақдирда шартларни бажармаётган тараф мазкур ҳолат юзасидан ва ушбу ҳолат шартларни бажаришга таъсир этаётганлиги ҳақида хабар бериш керак.

8.3. Шартноманинг 8.1. бандида назарда тутилган энгилмас кучлар ҳолати охириги уч ой давомида давом этса "Бажарувчи" ёки "Буюртмачи" томонидан иккинчи тарафга билдиришнома юбориши билан мазкур шартномани бекор қилиниши мумкин.

8.4. Форс-мажор ҳолатига асосан мажбуриятни бажариш тўхтаб қолганда "Бажарувчи" ёки "Буюртмачи" келтирилган зарарни қоплашни талаб қила олмайдилар.

## IX. Низоларни ҳал этиш тартиби

9.1. Ушбу шартномадан келиб чиқадиган низоли масалалар музокаралар йўли билан ҳал этилади.

9.2. Келишувга эришилмаган тақдирда томонлар низоларни ҳал этиш учун қонунчиликка мувофиқ иқтисодий судига мурожаат этадилар.

## X. Якуний қондалар

10.1. Шартнома томонларнинг ўзаро келишувига кўра ёки улардан бири томонидан шартнома шартларини бошқа томон жиддий бузган тақдирда бекор қилиниши мумкин.

10.2. Тарафларнинг юридик манзиллари, телефон, факслари, банк реквизитлари ўзгарган тақдирда улар икки кун муддат ичида бир-бирларига бу ҳақида маълумот беришга мажбурдирлар.

10.3. Мазкур шартномага киритилган барча ўзгартириш ва қўшимчалар ёзма шаклда тузилиб, белгиланган тартибда тарафларнинг ваколатли вакиллари томонидан имзоланган тақдирдагина амалда бўлади.

10.4. Мазкур шартнома томонлар имзоланганидан ва Ўзбекистон Республикаси Молия вазирлиги Газначилигидан рўйхатдан ўтганидан сўнг кундан кучга киради ва 2022 йилнинг 31 декабригача амалда бўлади.

## ТОМОНЛАРНИНГ РЕКВИЗИТЛАРИ:

### «Бажарувчи»

Ўзбекистон Республикаси Марказий банкнинг  
"DAVLAT BELGISI" ДУК

Почта индекси: 100053

Манзили: Тошкент шаҳар,

Юнусобод тумани, Боғишамол кўчаси, 160 «А»

ҳисоб рақами: 21596000305108789001

МФО: 00014

Ўзбекистон Республикаси Марказий банки

Тошкент шаҳар Бош бошқармаси ХККМ

ИНН: 306612737

ҚҚС коди: 326030048929

ОКЭД: 18120

Тел./факс: 71-209-02-73, 234-46-01, 234-06-31.

«Бажарувчи»  
номидан раҳбар:

Ишлаб чиқариш  
бошқарма бошлиғи

Бош бухгалтер

Юридик хизмат

Шартнома ижросисини \_\_\_\_\_ Т.А.Иргашев

### «Буюртмачи»

Ўзбекистон Республикаси

Вазирлар Маҳкамаси ҳузуридаги

Олий аттестация комиссияси

Почта индекси: 100047

Манзили: Тошкент шаҳар,

Я. Ғуломов кўчаси, 70.

ҳисоб-китоб вақари:

МФО: \_\_\_\_\_

ИНН: \_\_\_\_\_

ОКЭД: \_\_\_\_\_

ҚҚС коди: \_\_\_\_\_

Тел./факс: 71-233-28-83, 233-06-47.

«Буюртмачи»  
номидан раҳбар:

ВАК ПРИ КМ РУЗ

ЮРИСКОНСУЛЬТ  
МАСАИДОВА М.М.